



KO TE

## KAHITI O NIU TIRENI.

HE MEA TA I RUNGA I TE MANA O TE KAWANATANGA.

[MOTUHAKE.]

PONEKE, TAITI, MEI 29, 1930.

*Huihuinga o te Runanga Nui ki te Whakahaere i nga Mahi o te Paremete.*

(L.S.)

BLEDISLOE, Kawana-Tianara.

HE PANUITANGA.

Ki nga MEMA o TE RUNANGA KAUNIHERA o te Tominiona o NIU TIRENI, me nga MEMA i pootitia kia tu ki roto ki te WHARE o nga MANGAI o TE IWI o taua Tominiona i karangatia nei kia tae mai ki te Huihuinga o te Runanga Nui o taua Tominiona, ka tu ki te Taone o Poneke a te 5 o nga ra o te marama o Hune, kotahi mano e iwa rau e toru tekau, ki ia tangata o koutou: TENA RA KOUTOU KATOA.

NOTEMEA e tu ana ko te rima o nga ra o Hune, kotahi mano e iwa rau e toru tekau, te ra i whakaritea hei Huinga mo te Runanga Nui: Heoi ra, mo etahi take kua whakaaro ahau kia whakanekehia atu te ra huinga ki te Taite, te rua tekau ma ono o nga ra o te marama o Hune, kotahi mano e iwa rau e toru tekau, a i runga i tenei kaore he ritenga e tae mai ai koutou ki Poneke nei i taua rima o nga ra o Hune: Heoti ra, ko taku kupu atu tenei ki a koutou katoa, ki era atu tangata hoki e mea ana kia rongo ratou i tenei korero, hei taua ra, ara, hei te Taite, te rua tekau ma ono o nga ra o Hune, kotahi mano e iwa rau e toru tekau i te hawhe paahi i te rua o nga haora i te awatea a taua ra, e tae tinana mai ai koutou, ki te WHAKAHAERE I nga MAHI o te Paremete, ki nga Whare Paremete, i Poene Tiriti, i te Taone o Poneke, ki reira whiriwhiri ai i nga ritenga me nga mea hei painga mo taua Tominiona o Niu Tireni, whakahaere ai hoki i nga mea e kitea ana e tika ana.

He mea tuku i raro i te ringa o His Excellency te Kawana-Tianara o te Tomini-ona o Niu Tireni; he mea whakaputa i raro i te Hiiri o taua Tominiona, i tenei te 28 o nga ra o Mei, 1930.

GEO. W. FORBES.

E TE ATUA TOHUNGIA TE KINGI!